

# Galicia Encantada



ANIVERSARIO  
2005 \* 2025  
Enciclopedia de Fantasia Popular de Galicia

## Literatura oral

### *O piollo e a pulga*

O piollo e maila pulga íbanse casar,  
non tiñan padriños nin onde os buscar.  
E saleu o rato detra-lo muíño:  
"se prendede-lo ghatto eu serei padriño".

"Aghora, mi vida, padriño xa temos,  
fáltano-la madriña, onde a hallaremos?.

E saleu a ra da súa fonte fría:  
"mandaime recado, eu serei madriña".

"Aghora, mi vida madriña xa temos,  
fáltano-lo panciño, onde o hallaremos? □

E saleu a formigha da súa formighueira:  
"mandaime recado, serei panadeira".

"Aghora, mi vida, panciño xa temos,

fáltano-la carniña, onde a hallaremos? □

Saleu o lobo detrás do valado:

"se queredes carne mandaime recado".

"Aghora, mi vida, carniña xa temos,  
fáltano-lo viño, onde o hallaremos?"

Saleu o mosquito do seu mosquiteiro:

"mandaime recado, serei arrieiro".

"Aghora, mi vida, viño xa temos,  
fáltano-la cesta, onde a hallaremos?"

Saleu a teupa da súa furada:

"mandaime recado, serei honrada".

"Aghora, mi vida, cesta xa temos,  
fáltanno-los manteles, onde os hallaremos?"

E saleu a araña da súa arañeira:

"mandaime recado, serei tecedeira".

"Aghora, mi vida, manteles xa temos,  
fáltano-lo ghaiteiro, onde o hallaremos?"

E saleu o ghrilo do seu ghriladeiro:

"mandaime recado, eu serei ghaiteiro".

"Aghora, mi vida, ghaiteiro xa temos,  
fáltano-lo danzante, onde o hallaremos?"

Saleu o sapo, como é arrogante:

"mandaime recado, serei danzante".

Estando todos xuntos e todos reunidos,

ceibouse o gható e comeu ós padriños.

[Texto achegado por Rosa Brañas, de Lugo, en outubro de 2009. Recollido da avoa materna, María Sánchez Tizón (nacida en 1910 en Pedraporral, Teixeira-Curtis (A Coruña))